



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj: 01-GV-02-988/24  
Sarajevo, 23.07.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 42. sjednici održanoj dana 23.07.2024. godine, primilo je k znanju

Informaciju o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo” društvo sa ograničenom odgovornošću za period 01.01.- 30.06.2024. godine.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

Adresa: Hamdije Kreševljakovića 3  
71 000 Sarajevo  
Tel.: +387 33 216 659  
Fax: +387 33 205 874  
Email: [gsgv@sarajevo.ba](mailto:gsgv@sarajevo.ba)  
Web: [gradskovijece.sarajevo.ba](http://gradskovijece.sarajevo.ba)



## INFORMACIJA

**o svim modalitetima ustupanja u zakup objekta „Vidikovac“ na Trebeviću u stanju u kojem se sada nalazi i predloži Gradskom vijeću Grada Sarajevo odnosno Gradonačelnici akte potrebne za odlučivanje u tom pravcu**

Dana 07.06.2024. godine Pravobranilaštvo Grada Sarajevo je zaprimilo Akt Gradskog vijeća Grada Sarajevo broj: 01-GV-04-729-2.1/24 od dana 29.05.2024. godine sa inicijativom Administrativne komisije i Zaključkom koji glasi: "Zadužuje se Pravobranilaštvo Grada Sarajevo da razmotri sve modalitete ustupanja u zakup objekta „Vidikovac“ na Trebeviću u stanju u kojem se sada nalazi i predloži Gradskom vijeću Grada Sarajevo odnosno Gradonačelnici akte potrebne za odlučivanje u tom pravcu".

U cilju postupanja u skladu sa navedenom inicijativom i zaključkom, a radi zauzimanja jedinstvenog stava u pogledu ovog važnog pitanja, sukladno odredbama člana 13. Pravilnika o unutrašnjoj organizaciji Pravobranilaštava Grada Sarajevo kojima je propisano da u cilju zakonitog, kvalitetnog, efikasnog i potpunog obavljanja poslova i zadataka, pravobranilac može obrazovati stručni kolegij kao oblik organizovanja i metoda rada prilikom raspravljanja i zauzimanja jedinstvenih stavova u vezi važnih pitanja iz djelokruga rada Pravobranilaštva, to je i obrazovan je Stručni kolegij Pravobranilaštva Grada Sarajevo. Stručni kolegij je zasjedao na sjednici dana 12.06. i nastavku iste dana 13.06.2024. godine, a na kojima su razmatrana predmetna inicijativa i zaključak, te konačno je odgovoreno po nalogu Administrativne komisije Gradskog vijeća.

U prilogu ovog dopisa dostavljamo Vam Zapisnik sa sjednice Stručnog kolegija Pravobranilaštva Grada Sarajevo od dana 12.06. i 13.06.2024. godine, te isti čini sastavni dio ove informacije.

**Prilog:** - Zapisnik o radu stručnog kolegija Pravobranilaštva Grada Sarajevo od dana 12.06. i 13.06.2024. godine



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
PRAVOBRANILAŠTVO

## ZAPISNIK O RADU STRUČNOG KOLEGIJA PRAVOBRANILAŠTVA GRADA SARAJEVO

Shodno Odluci o obrazovanju stručnog kolegija broj: 01-08-Gp-58/24 od 12.06.2024. godine zakazan je Stručni kolegij Pravobranilaštva Grada Sarajevo koji se održava dana - srijeda 12.06.2024. godine, sa početkom u 10,00 sati, te je nastavak istog održan dana - četvrtak 13.06.2024. godine sa početkom u 10.00 sati.

Sjednicama Stručnog kolegija prisustvuju:

- Admir Jusufbegović – pravobranilac
- Sanjin Smajlović – zamjenik pravobranioca
- Besim Musakadić - zamjenik pravobranioca

Dnevni red stručnog kolegija:

1. Razmatranje i postupanje po Zaključku Administrativne komisije Gradskog vijeća Grada Sarajevo broj: 04-GV-04-729-2/24 od 29.05.2024. godine koji glasi:  
*"Zadužuje se Pravobranilaštvo Grada Sarajevo da razmotri sve modalitete ustupanja u zakup objekta „Vidikovac“ na Trebeviću u stanju u kojem se sada nalazi i predloži Gradskom vijeću Grada Sarajevo odnosno Gradonačelnici akte potrebne za odlučivanje u tom pravcu";*
2. Tekuća pitanja.

Pravobranilac Grada Sarajevo je ukratko izložio predmetni Zaključak Gradskog vijeća, ali i samu trenutnu problematiku u vezi objekta Vidikovca te prisutne podsjetio na sve odluke Gradskog vijeće Grada Sarajeva koje se odnose na predmetni objekat, kao i na Zapisnik o radu stručnog kolegija Pravobranilaštva Grada Sarajevo od dana 06.10. i dana 09.10.2023. godine na kojem je Pravobranilaštvo Grada Sarajevo utvrdilo činjenično stanje i iznijelo stavove u pogledu istog, a što se prije svega odnosi na slijedeće stavove:

- Temeljem Ugovora o ustupanju Ugovora za izgradnju poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ broj 01/04-14-4350-7/19 od 25.09.2019. godine koji je zaključen između JP Sarajevo d.o.o., Grada Sarajevo i Unigradnje d.d., ugovorne strane Ugovora o izvođenju radova izgradnje poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ br: 01/04-14-4350-6/19 od 25.07.2019. godine su isključivo JP Sarajevo d.o.o. i Unigradnja d.d. Shodno odredbama i načelima Zakona o obligacionom odnosima i tumačenju istih, JP Sarajevo d.o.o. i Unigradnja d.d. su isključivo u pravnom odnosu povodom Ugovora o izvođenju radova izgradnje poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ broj: 01/04-14-4350-6/19 od 25.07.2019. godine.

Adresa: Hamdije Kreševljakovića 3  
71 000 Sarajevo  
Tel.: +387 33 206 440  
Fax: +387 33 206 440  
Email: pravobranilastvo@sarajevo.ba  
Web: www.sarajevo.ba



- Podsjećamo da je Ugovor o osnivanju prava građenja na predmetnoj parceli, kojim su prethodno riješeni imovinsko-pravni odnosi u svrhu izgradnje objekta Vidikovac, zaključen dana 28.05.2016. godine na period od 25 godina i da je do sada protekao vremenski period od 8 godina.

- Shodno Privremenom izvještaju Općine Stari Grad Sarajevo o izvršenom tehničkom pregledu izvedenih radova izgradnje poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ broj: UP-I-05-19-2258/21-IH od decembar 2021. godine utvrđeni su nedostaci izvedenih radova uslijed kojih se ne može ishodovati Rješenje o upotrebi objekta.

- U trenutnim okolnostima zatečenog stanja i nepoduzimanja bilo kakvih građevinskih radova dovođenja objekta u upotrebu osnovano možemo govoriti o šteti i to kako običnoj šteti koja se ogleda u propadanju i vremenskoj devastaciji objekta, ali i izmakloj dobiti u propuštanju ekonomske eksploatacije objekta.

Pravobranilac je također upoznao prisutne da je dana 07.06.2024. godine na adresu Pravobranilaštva Grada Sarajevo od strane Kantonalnog tužilaštva Kantona Sarajevo dostavljena Obavijest broj: T09 KTAK 0165696 21 od dana 04.06.2024. godine kojom se Pravobranilaštvo obavještava da se neće provoditi istraga po Informaciji o uočenim nepravilnostima u pogledu pitanja davanja mišljenja od strane Ministarstva prostornog uređenja, građena i zaštite okoliša Kantona Sarajevo, Zavoda za planiranje razvoja KS i Zavoda za zaštitu kulturno-historijskog i prirodnog naslijeđa KS, te u vezi sa izdavanjem urbanističke saglasnosti za izgradnju objekta Vidikovac na Trebeviću.

Obzirom na navedeno, ne postoje razlozi da bi Zaključak Općine Stari Grad Sarajevo broj: UP-I-05-19-2258/21-DG od dana 12.01.2024. godine kojim je prekinut postupak po zahtjevu Grada Sarajeva za vršenje tehničkog pregleda i izdavanje odobrenja za upotrebu izvedenih radova izgradnje poslovnog objekta na mjestu porušenog hotela ostao na snazi i nema smetnji za nastavak postupka za vršenje tehničkog pregleda i izdavanja odobrenja za upotrebu objekta.

U tom slučaju potrebno je da svi učesnici i to: JP Sarajevo d.o.o., Grad Sarajevo, Pravobranilaštvo Grada Sarajevo, Unigradnja d.d., Općina Stari Grad Sarajevo, Komisija za tehnički prijem i Nadzorni organ se aktivno uključe u postupak radi otklanjanja nedostataka, nastavka postupka vršenja tehničkog prijema i konačnog izdavanja upotrebe dozvole za objekat „Vidikovac“ na Trebeviću.

Pravobranilaštvo Grada Sarajevo ostaje kod svih istaknutih činjenica i prijedloga za rješavanje predmetne problematike, a kako je to konstatovano u Zapisniku o radu stručnog kolegija Pravobranilaštva od 06.10. i 09.10.2023. godine, a temeljem kojeg je Gradsko vijeće Grada Sarajevo na 32. sjednici održanoj dana 25.10.2023. godine donijelo je Zaključak broj: 01-GV-02-1598-1/23 kojim je, u povodu razmatranja Informacije o realizaciji Odluke o pristupanju projektu osnivanja naučno-istraživačke infrastrukture „Tech4Green“, naloženo Upravi Javnog preduzeća za upravljanje, zaštitu i održavanje objekata Grada Sarajeva i obavljanje komunalnih djelatnosti od javnog interesa Grada Sarajeva "Sarajevo" društvo sa ograničenom odgovornošću (skraćeno: JP Sarajevo d.o.o.), Gradskoj upravi Grada Sarajeva i Pravobranilaštvu Grada Sarajevo da svako u okviru svoje nadležnosti i ovlaštenja poduzme aktivnosti u cilju raskida Ugovora o izvođenju radova izgradnje poslovnog objekta na mjestu porušenog hotela i radova vanjskog uređenja parcele na lokalitetu „Vidikovac-Trebević“, zatim poduzmu radnje u cilju povrata u posjed predmetnog objekta i izvođenja potrebnih radova za ishodovanje odobrenje za upotrebu objekta.

Nakon usvajanja predmetnog Zaključka Gradskog vijeća Grada Sarajevo, JP Sarajevo d.o.o. kao ugovorna strana iz Ugovora o izvođenju radova izgradnje poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ broj: 01/04-14-4350-6/19 od dana 25.07.2019. godine, a koji je preuzet Ugovorom o ustupanju Ugovora za izgradnju poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ broj: 01/04-14-4350-7/19 od dana 25.09.2019. godine zaključenim između JP Sarajevo d.o.o., Grada Sarajevo i Unigradnja d.d., nije poduzelo aktivnosti kako je to naloženo Zaključkom Gradskog vijeća Grada Sarajevo od dana 25.10.2023. godine. Posljedično niti Pravobranilaštvo Grada Sarajevo, niti Grad Sarajevo nadalje nisu mogli poduzeti obaveze naložene predmetnim Zaključkom Gradskog vijeća Grada Sarajevo.

Zbog proteka dužeg vremenskog roka, evidentno je da JP Sarajevo i Unigradnja d.d. kao ugovorne strane iz Ugovora o izvođenju radova izgradnje poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ broj: 01/04-14-4350-6/19 od dana 25.07.2019. godine, ne poduzimaju radnje na otklanjanju nedostataka u cilju izdavanje upotrebne dozvole, niti su raskinuli isti. Pri tome naglašavamo da po logici stvari nedostatke nije moguće otkloniti bez izvođača radova koji je u pravnom odnosu isključivo sa JP Sarajevo d.o.o., jer Grad Sarajevo i Pravobranilaštvo Grada Sarajevo nemaju aktivnu legitimaciju prema društvu Unigradnja d.d. u smislu poziva za ispunjenje ugovornih obaveza, niti bilo ko drugi osim ugovornih strana (JP Sarajevo d.o.o. i Unigradnja d.d.) može uticati na ugovorne obaveze temeljem zaključenog ugovora ili inicirati eventualni raskid ugovora.

U pogledu Zaključka Gradskog vijeća Grada Sarajevo broj: 04-GV-04-729-2/24 od 29.05.2024. godine kojim je naloženo predmetno postupanje, a povodom koga se i održava stručni kolegij Pravobranilaštva Grada Sarajevo, ističemo slijedeće.

Gradsko vijeće Grada Sarajevo kao organ koji sukladno odredbama Statuta Grada Sarajevo upravlja i raspolaže imovinom Grada Sarajevo, postupilo je odgovorno i u cilju konačne realizacije projekta izgradnje objekta Vidikovac donijelo je niz Zaključaka i Odluka radi stavljanja predmetnog objekta u funkciju. Međutim, Gradsko vijeće Grada Sarajevo svjesno činjenice da JP Sarajevo d.o.o. i Unigradnja d.d. ne poduzimaju radnje radi otklanjanja nedostatka i ishodovanja upotrebe dozvole, niti bilo kakve druge radnje u cilju rješavanja ugovornog odnosa, donijelo je predmetni Zaključak kojim zadužuje Pravobranilaštvo Grada Sarajevo da izloži moguće modalitete ustupanja u zakup objekta „Vidikovac“ na Trebeviću u stanju u kojem objekat trenutno jeste, odnosno u stanju postojanja nedostataka izvedenih radova uslijed čega je onemogućeno izdavanje upotrebne dozvole za predmetni objekat.

Relevantni propisi za predmetnu oblast su:

- Zakon o obligacionim odnosima ("Službeni list SFRJ", br. 29/1978, 39/1985, 45/1989 - odluka USJ i 57/1989, "Sl. list RBiH", br. 2/1992, 13/1993 i 13/1994 i "Sl. novine FBiH", br. 29/2003 i 42/2011);
- Zakon o stvarnim pravima („Službene novine Federacije BiH“, broj 66/13“ i Zakon o izmjenama Zakona o stvarnim pravima FBiH „Službene novine Federacije BiH“, broj 100/13“);
- Zakon o preuzimanju, izmjenama i dopunama Zakona o zakupu poslovnih zgrada i prostorija („Službene novine Kantona Sarajevo br.14/97, 29/09, 40/15 i 32/19“); te

- Odluka Gradskog vijeća Grada Sarajevo o dodjeli u zakup poslovnih zgrada i prostorija Grada Sarajevo broj: 01-GV-02-678/23 od 26.04.2023. godine.

U pogledu objekta Vidikovac Gradsko vijeće Grada Sarajevo donijelo je slijedeće Odluke:  
- Odluku o uslovima i načinu korištenja i davanja u zakup poslovnog objekta Vidikovac broj: 01-GV-02-1399/21 od 04.11.2021. godine (nije stupila na snagu jer je u članu 10. predviđeno da stupa na snagu danom okončanja upisa predmetnom objekta u ZK Općinskog suda u Sarajevu); i  
- Odluka o pristupanju projektu osnivanja naučno istraživačke infrastrukture „Tech4Green“ broj: 01-GV-02-989/23 od 26.06.2023. godine (ista u članu 2. stav 2. djelomično tretira način korištenja objekta Vidikovac).

Prednje dvije navedene Odluke Gradskog vijeća Grada Sarajevo nisu u cijelosti u skladu sa Odlukom o dodjeli u zakup poslovnih zgrada i prostorija Grada Sarajevo 01-GV-02-678/23 od 26.04.2023. godine, koja predstavlja opći pravni akt kojim su definisani uslovi i način davanja u zakup poslovnih objekata Grada Sarajevo, niti su u skladu sa intencijom Gradskog vijeća Grada Sarajevo iskazanom u Zaključku br. 04-GV-04-729-2/24 od 29.05.2024. godine, stoga predlažemo stavljanje van snage ovih Odluka.

S tim u vezi eventualno davanje u zakup objekta „Vidikovac“ u trenutnom stanju se ima tretirati samo primjenjujući odredbe Zakona o obligacionim odnosima, Zakona o stvarnim pravima, Zakon o preuzimanju, izmjenama i dopunama Zakona o zakupu poslovnih zgrada i prostorija, te Odluke Gradskog vijeća Grada Sarajevo o dodjeli u zakup poslovnih zgrada i prostorija Grada Sarajevo broj: 01-GV-02-678/23 od 26.04.2023. godine.

Analizirajući navede propise, ne postoje ograničenja za davanje u zakup objekata obzirom na njihovo stanje.

Postupak, način i uslovi davanja u zakup objekata propisani su Odlukom o dodjeli u zakup poslovnih zgrada i prostorija Grada Sarajevo broj: 01-GV-02-678/23 od 26.04.2023. godine. Ova Odluka podrazumijeva učešće Gradske službe za urbano planiranje, investicije, stambene i komunalne poslove (shodno odredbama člana 5. Odluke) i Komisije za dodjelu u zakup poslovnih zgrada i prostorija Grada Sarajevo (shodno odredba člana 7. i 9. Odluke). Sam postupak podrazumijeva pripremu i objavljivanje javnog oglasa koji treba da sadrži elemente iz člana 10. Odluke, među kojima su i uslovi objekta (stepen oštećenja i drugo), te ostali uslovi.

Javni oglas priprema Komisija za dodjelu u zakup poslovnih zgrada i prostorija Grada Sarajevo, a isti objavljuje Gradonačelnica. Po provođenju postupka otvaranja, razmatranja i ocjene pristiglih ponuda od strane Komisije, gradonačelnica donosi prijedlog odluke o davanju u zakup. Prijedlog odluke o davanju u zakup meritorno razmatra Gradsko vijeće.

Na osnovu donesene Odluke Gradskog vijeća, pristupa se sačinjavanju prijedlog Ugovora, a koji se prije zaključivanja dostavlja Pravobranilaštvu Grada Sarajevo na mišljenje. Djelokrug rada Pravobranilaštva Grada Sarajevo u postupka davanja u zakup objekata Grada Sarajevo je isključivo davanje mišljenja na prijedlog ugovora o zakupu, a što je u skladu i sa odredbama Zakona o pravobranilaštvu i Odluke o osnivanju Pravobranilaštva Grada Sarajevo.

Objektivna faktična smetnja za provođenja postupka davanja u zakup i realizaciju zakupa na način kako je ranije navedeno jeste činjenica da Grad Sarajevo i JP Sarajevo d.o.o. nisu u

posjedu objekta „Vidikovac“ jer je isti u posjedu izvođača radova društva Unigradnja d.d., stoga bi mogao nastati problem primopredaje objekta zakupcu nakon kompletno provedene procedure i zaključenja ugovora o zakupu, a napominjemo da je osnovna obaveza zakupodavca da preda objekat zakupoprimcu u posjed temeljem zaključenog ugovora o zakupu.

Prema raspoloživim informacijama, izvođač radova društvo Unigradnja d.d. je iskazalo interes da sporazumno raskine Ugovor o izvođenju radova izgradnje poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ broj: 01/04-14-4350-6/19 od dana 25.07.2019. godine sa JP Sarajevo d.o.o. i preda posjed objekat uz uslov plaćanja zadržane retencije od strane druge ugovorne strane društva JP Sarajevo d.o.o. u iznosu od 10% od ukupnog ugovorenog iznosa građevinskih radova (cca. 450.000,00 KM). Istovremeno prema ovom prijedlogu sporazumnog raskida izvođač radova društvo Unigradnja d.d. ne bi izvodilo bilo kakve dodatne radove radi otklanjanja nedostataka radova na objektu pored već izvedenih radova, jer je stava da su ispunili ugovorne obaveze.

Pravobranilaštvo pri tome ne ulazi u (ne)osnovanost i (ne)opravdanost plaćanja navedenih zadržanih novčanih sredstava, kao i na okolnost ispunjenja ugovornih obaveza od strane izvođača radova društva Unigradnja d.d.. Obzirom na suprotstavljene stavove ugovornih strana (JP Sarajevo d.o.o. i Unigradnja d.d.) ove činjenice je moguće utvrditi angažovanjem stručnih lica - vještaka odgovarajuće struke, na okolnosti vrste i obima izvedenih radova u odnosu na ugovorene radove i vrijednost istih, a sve na osnovu relevantne dokumentacije i uviđaja na licu mjesta objekta.

Uzimajući u obzir aktuelnu pravnu i faktičku problematiku objekta, te iskazanu volju Gradskog vijeća Grada Sarajevo za rješavanjem iste, mišljenja smo da bi u trenutnim okolnostima u uslovima eventualnog javnog poziva, pored obavezujućih uslova, trebalo biti propisano i slijedeće:

- da zainteresirana strana -- zakupoprimac riješi potraživanja izvođača radova društva Unigradnja d.d.. Isto je moguće riješiti na način da zakupoprimac sa izvođačem radova društvom Unigradnja d.d. zaključi ugovor kojim se obavezuje da će ispuniti njegova potraživanja od JP Sarajevo d.o.o., što je institut pristupanja dugu propisan odredbama člana 451. Zakona o obligacionim odnosima;
- obaveza zainteresirane strane – zakupoprimeca da o svom trošku ugovori i izvede sve građevinske radove neophodne radi ishodovanja upotrebne dozvole, te istu pribavi uz administrativnu saradnju sa Gradom Sarajevo što je i primarni cilj investitora i vlasnika objekta, kao i zakupoprimeca koji u navedenom objektu namjerava obavljati određenu djelatnost.

U okviru tačke 2. dnevnog reda nije bilo prijavljenih tema niti pitanja, stoga je sjednica Stručnog kolegija završena dana 13.06.2024. godine u 12,00 sati.



Admir Jusufhegović - pravobranilac


Sanjin Smajlović - zamjenik pravobranioca

Besim Musakadić - zamjenik pravobranioca

Sarajevo, 24.06.2024 godine

Broj: 01-05-1717/24

**BOSNA I HERCEGOVINA**  
**Federacija Bosne i Hercegovine**  
**Kanton Sarajevo**  
**Grad Sarajevo**  
**Gradonačelnica, gospođa Benjamina Karić**



Poštovana,

U toku je kontrola od strane UINO-Odsjek za poreze u JP „Sarajevo“ d.o.o.

Poseban interes iskazan je vezano za izgradnju objekta „Vidikovac-Trebević“ odnosno o razlozima zbog kojih objekat nije u funkciji što za posljedicu ima da se ne ostvaruju prihodi od objekta u koji je vršeno ulaganje.

Obzirom da Grad Sarajevo kao organ uprave nema pravo na povrat PDV-a, budući da je JP „Sarajevo“ d.o.o. preduzeće osnovano od strane Grada Sarajeva, projekat „Vidikovac-Trebević“ realizovan je tako što je Ugovor sa Izvođačem radova prenesen na JP „Sarajevo“ d.o.o. a kako bi se omogućio i izvršio povrat PDV-a, te taj novac usmjerio na realizaciju ostalih projekata i tekuće troškove JP „Sarajevo“ d.o.o.“

JP „Sarajevo“ d.o.o., tokom kontrole UINO, prezentiralo je (1) Ugovor zaključen sa izvođačem radova Unigradnja dd i (2) Analitičku karticu dobavljača Unigradnja dd.

Dana 11.06.2024 godine, od strane kontrole, zatraženo je izjašnjenje vezano za gradnju objekta „Vidikovac-Trebević“ (investicija u toku), a na osnovu narednih pitanja:

1. Da li su ispoštovane odredbe Ugovora o ustupanju ugovora za izgradnju poslovnog objekta na mjestu porušenog hotela te radova vanjskog uređenja parcele na lokalitetu „Vidikovac-Trebević“ zaključenog između Grada Sarajevo i Unigradnja d.d. broj 01/04-14-4350-6/19 od 25.07.2019. godine, odnosno da li su ispoštovane odredbe ugovora broj: 01/04-14-4350-7/19 od 25.09.2019. godine?
2. Koji uposlenik/ci JP „Sarajevo“ d.o.o. je bio imenovan od strane JP „Sarajevo“ d.o.o. da prati radove koje je izvodio izvođač Unigradnja d.d.?
3. Zašto je obustavljeno ulaganje u objekat „Vidikovac-Trebević“, navesti razloge i iste dokumentovati?
4. Navesti ishod završetka radova, te vrijeme očekivanja ostvarivanja prihoda od objekta u koji se vršilo ulaganje.

Dana 14.06.2024 godine, JP „Sarajevo“ d.o.o. dostavilo je izjašnjenje na navedena pitanja koje Vam dostavljamo u prilogu.

Dana 20.06.2024 godine, kontrola UINO dostavila je dodatni upit:

1. Da li je od momenta obustave investicije „Vidikovac-Trebević“, od strane Grada Sarajevo ili JP „Sarajevo“ d.o.o. angažovan sudski vještak, institut ili neka druga institucija kompetentna za procjenu i davanje mišljenja o navedenoj investiciji (građevinskim radovima) i da li imate njihov nalaz (mišljenje, zapisnik)?





Vezano za dodatni upit kontrole UINO, uvidom u dokumentaciju kojom raspolaže, JP „Sarajevo“ d.o.o. će dostaviti:

- (1) Elaborat o analizi izgradnje poslovnog objekta na mjestu porušenog hotela na lokalitetu „Vidikovac-Trebević“ u općini Stari grad Sarajevo sačinjen dana 07.01.2022 godine od strane stalnog sudskog vještaka arhitektonske struke Begović Enesa
- (2) Izjašnjenje punomoćnika društva „UNIGRADNJA“ dd Sarajevo Advokata Šušić Zijada na Dopis Pravobranilaštva Grada Sarajeva broj 01-08-Gp-56/22, od 06.07.2022 godine.

Ukoliko Grad Sarajevo raspolaže dodatnom dokumentacijom koja može pomoći kod davanja odgovora na upite kontrole UINO vezano za prenos Ugovora o gradnji na JP Sarajevo d.o.o. kako bi se omogućio i izvršio povrat PDV-a, te aktivnostima koje se preduzimaju da se objekat stavi u funkciji sa ciljem ostvarivanja prihoda od objekta u koji je vršeno ulaganje, molimo da nam istu dostavite kako bi je proslijedili kontroli UINO.

Prijateljski pozdravi,

Prilog: Kao u tekstu.

Dostaviti:

- Naslovu.
- Predsjedavajući Gradskog vijeća, gospodin Jasmin Ademovic.
- Arhiva.

Direktor  
Bakir Hadžomerović



Broj: 01-05-1669/24  
Sarajevo, 14.06.2024. godine

**PREDMET:** Izjašnjenje na upit inspektora UINO

Poštovani,

Ovim putem na postavljena pitanja vezano za gradnju objekta (investicija u toku) "Vidikovac-Trebević" izjašnjavamo se kako slijedi:

1. Odredbe Ugovora o ustupanju ugovora za izgradnju poslovnog objekta na mjestu porušenog hotela te radova vanjskog uređenja parcele na lokalitetu "Vidikovac-Trebević" zaključenog između Grada Sarajevo i Unigradnja dd broj 01/04-14-4350-6/19 od 25.09.2019.g. odnosno odredbe Ugovora broj 01/04-14-4350-7/19 od 25.09.2019.godine, nisu u cjelosti ispoštovane i posljedica toga je da nije izvršen tehnički prijem objekta. Tokom realizacije navedenih ugovora, Investitor-Grad Sarajevo je odobravao određene izmjene projekta u okviru ugovorenih radova i sredstava kao i dodatne radove.

2. Od strane JP "SARAJEVO" d.o.o. nije imenovan uposlenik koji bi pratio radove koje je izvodio Izvođač radova-UNIGRADNJA dd. Radove su pratili ovlašteni zaposlenici Investitora-Grad Sarajevo.

3. Ulaganje u objekat "Vidikovac-Trebević" obustavljeno je iz razloga pošto nije izvršen tehnički prijem objekta "Vidikovac-Trebević". Investitor-Grad Sarajevo zahtijeva da Izvođač radova-UNIGRADNJA dd otkloni sve nedostatke koje je konstatovala Komisija za tehnički pregled i izdavanje odbrenja za upotrebu objekta dok Izvođač radova-UNIGRADNJA dd tvrdi da je izvela sve radove u okviru ugovorenih sredstava.

Realizacija projekta je opterećena i krivičnim prijavama.

JP Sarajevo d.o.o., po nalogu Gradskog vijeća, u saradnji sa Pravobranilaštvom Grada Sarajeva, nastoji organizovati izradu Elaborata o analizi izgradnje poslovnog objekta Vidikovac na Trebeviću od strane sudskih vještaka relevantne struke na osnovu kojeg bi bilo moguće donijeti odluke o daljem postupanju.

4. Investitor-Grad Sarajevo poduzima aktivnosti na završetku radova odnosno stavljanju objekta u funkciju sa ciljem ostvarivanja prihoda od izvršenih ulaganja. U tom pravcu, u Junu 2023. godine, izrađen je odgovarajući Elaborat na osnovu kojeg je donesena Odluka Grada Sarajevo o pristupanju projektu naučno-istraživačke infrastrukture "Tech4Green" koja nije realizovana. U Junu 2024. godine, Poljine Hills su iskazali namjeru učešća u upravljanju i korištenju objekta "Vidikovac-Trebević".

Stojimo Vam na raspolaganju.

  
JP  
"SARAJEVO"  
d.o.o.  
SARAJEVO  
Bakir Hadzomerović



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADSKO VIJEĆE

*Administrativna komisija*

Broj: 04-GV-04-856-2/24

Sarajevo, 01.07.2024. godine

Administrativna komisija, na 80. sjednici održanoj 01.07.2024. godine, razmatrala je:

2. Razmatranje akta Pravobranilaštva Grada Sarajeva broj: 01-08-Gp-55/24 od 18.06.2024. godine

i podnosi predsjedavajućem Gradskog vijeća Grada Sarajeva sljedeći:

### IZVJEŠTAJ

#### TAČKA

*Razmatranje akta Pravobranilaštva Grada Sarajeva broj: 01-08-Gp-55/24 od 18.06.2024. godine*

Poslije sažetka zamjenika Predsjedavajućeg, Administrativna komisija je jednoglasno donijela sljedeći **zaključak**:

Administrativna komisija je razmotrila akt Pravobranilaštva Grada Sarajeva te predlaže Gradskom vijeću da razmotri ovaj akt u vidu informacije koju će Pravobranilaštvo predložiti Gradskom vijeću na razmatranje, čiji prilog će biti akt JP „Sarajevo“ d.o.o. broj: 01-05-1717/24 od 24.06.2024. godine i diskusija iznesena u povodu tog akta, te da se odredi o predloženim rješenjima imajući u vidu obaveze iz PDV-a.



ZAMJENIK PREDSEDVAJUĆEG KOMISIJE

Alen Girt, s.r.

Adresa: Hamdije Kreševljakovića 3  
71 000 Sarajevo  
Tel.: +387 33 216 659  
Fax: +387 33 205 874  
Email: [gsgv@sarajevo.ba](mailto:gsgv@sarajevo.ba)  
Web: [gradskovijece.sarajevo.ba](http://gradskovijece.sarajevo.ba)



U toku je kontrola od strane UINO-Odsjek za poreze u JP Sarajevo.

Želim da ukažem na značaj te kontrole vezano za ulazni PDV koji je, na osnovu Ugovora sa Izvođačem radova koji je Grad Sarajevo prenio na JP Sarajevo, zadržan na računima JP Sarajevo. **Radi se o iznosu od gotovo milion maraka.**

Za uspješnu realizaciju ove namjere, potrebno je objekat staviti u poslovnu funkciju odnosno ostvarivati prihode od izgrađenog objekta i po tom osnovu plaćati izlazni PDV. Upravljanje objektom obavezno mora ostati kod JP Sarajevo, u suprotnom, ukoliko Grad Sarajevo preuzme upravljanje objektom ili upravljanje istim povjeri nekom trećem, ulazni PDV se vraća državi.

Dakle, namjera prethodne Gradske uprave bila je, da prenosom Ugovora sa Izvođačem radova na JP Sarajevo, omogući i izvrši povrat PDV-a, te taj novac usmjeri na realizaciju ostalih projekata Grada Sarajeva i/ili za tekuće troškove JP Sarajevo.

**Dakle, ni u kom slučaju, namjera prethodne Gradske uprave nije bila da realizaciju Ugovora sa izvođačem radova prepusti JP Sarajevo – preko računa JP Sarajevo je isključivo vršeno plaćanje urađenih i prethodno odobrenih radova dok su sve druge aktivnosti vođene od strane prethodne gradske uprave.**

\*\*\*\*\*

Vezano za izjašnjenje Kolegija pravobranilaca, materijal sadrži niz manjkavosti i nejasnih i netačnih navoda ali to ovom prilikom neću komentarisati jer nas takve diskusije odvele u pogrešnom pravcu.

Mogu samo reći da se te manjkavosti i nejasnoće i netačni navodi odnose najmanje na slijedeće:

- U slučaju potraživanja UNIGRADNJA po osnovu Ugovora, ne radi se o isplati retencije već se plaća okončana situacija umanjena za preostali dio avansa uz zadržavanje retencije u visini od 1% (garancija za dobro izvršenje radova).
- Ponavljaju se stalni i ničim izazvani neargumentovani napadi na rad JP Sarajevo.
- U dostavljenom materijalu, prvi put se spominje ugovor kojim je zasnovano pravo građenja na predmetnoj parceli na Trebeviću na period od 25 godina, do sada sam bio u uvjerenju da je objekat „Vidikovac-Trebević“ u potpunom vlasništvu Grada Sarajevo.
- Propušteno je kazati da svako izdavanje objekta od strane Grada Sarajeva podrazumjeva vraćenje PDV-a državi.

- Navedena je netačna interpretacija Zaključka Gradskog vijeća od 25.10.2023 godine.
- Kolegij pravobranilaca sada predlaže poništavanje odluka Gradskog vijeća vezano za upravljanje objektom „Vidikovac-Trbević“ uz navod da iste nisu u potpunosti u skladu sa zakonom. Pitanje je kako je moguće da donosilac tih odluka (Gradsko vijeće) nije upozoren na navodne nezakonitosti prilikom donošenja tih odluka?
- Da li prijedlog, da neko treći preuzme izmirenje dijela obaveza prema UNIGRADNJA, znači da je taj ušao u su/vlasništvo objekta? Kako sa istim prekinuti Ugovor u slučaju da ne izmiruje preuzete obaveze?

**Dakle, jedino, što smatram važnim za današnji sastanak je slijedeće:**

Ukoliko Gradsko vijeće prihvata stav Kolegija pravobranilaca da je UNIGRADNJA spremna na raskid ugovora pod uslovima koji su navedeni, što podrazumjeva prihvatanje do sada izvršenog i osporenog stručnog vještačenja od strane Begović Enasa, potrebno je da Grad Sarajevo obezbijedi novac za plaćanje ugovorenih (izvršenih) radova te da obezbijedi novac za završetak objekta prema Projektu. Ta plaćanja moraju biti izvršena preko računa JP Sarajevo (kao i sva prethodna plaćanja).

Grad Sarajevo novac može obezbijediti na više načina (iz više izvora) – jedan od načina može biti da se sredstva obezbijede iz dobiti JP Sarajevo o čemu treba donijeti odgovarajuće odluke. Takve odluke su donošene i u prethodnom periodu, npr. kada se dobit JP Sarajeva usmjerila u izgradnju Bistričke stanice ili u obnavljanje fasada...

JP Sarajevo ne može izvršiti nikakvo plaćanje na osnovu postojećih ugovora jer nije investitor niti vlasnik objekta, te takvu isplatu ne bi moglo zabilježiti u svojim poslovnim knjigama osim kao potraživanje od Grada Sarajevo.

Pri tome, treba imati na umu da se radi o iznosu od oko 2 miliona maraka (oko 400.000 KM za okončanje ugovora plus oko 1,5 miliona KM za završetak radova za otklanjanje tehničkih nedostataka.

Vrlo važna je spoznaja da sadašnje Gradsko vijeće i Gradonačelnica nisu imali nikakav negativan doprinos realizaciji projekta „Vidikovac-Trebević“ opterećenog brojnim nepravilnostima i da je sva odgovornost za promašaje na prethodnom Gradskom vijeću i Gradonačelniku, o čemu se Kolegij pravobranilaca nije precizno odredio.

S druge strane, ukoliko Gradsko vijeće ne prihvata stav Kolegija pravobranilaca po pitanju sporazumnog raskida ugovora sa UNIGRADNJA, u tom slučaju treba istrajati na novom vještačenju, za šta je prije svega potrebno da stručne službe

Grada Sarajevo obezbijede odgovarajuću dokumentaciju na osnovu koje je moguće izvršiti vještačenje, uključivo Građevinski dnevnik.